

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 05.12.2018թ. թիվ 1808864479 որոշումն անփոփոխ, իսկ վարչական բողոքն առանց բավարարման թողնելու մասին

<<24>> 12 2018թ. 17-13-131499-18/17-13-11519

ք.Երևան

«Ն ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Նաիրա Կարապետյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Շիրակի մարզի Գյումրի քաղաքի Աթարբեկյան փողոցի 68-րդ տան բնակիչ Նաիրա Կարապետյանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 05.12.2018թ. թիվ 1808864479 որոշումը՝ նշելով, որ իրավախախտումը կատարել է հարկադրված՝ տրանսպորտային միջոցի մարտկոցի հետ առաջացած խնդրի պատճառով:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին 05.12.2018թ. թիվ 1808864479 որոշումն օրինական է, իրավաչափ և այն վերանայելու հիմքեր չկան հետևյալ պատճառաբանությամբ.

Դիմումատուն ըստ էության ընդունում է Ճանապարհային ոստիկանության վարչական տույժ նշանակելու մասին մասին 05.12.2018թ. թիվ 1808864479 որոշման իրավաչափությունը և այն վիճարկում է միայն իրավախախտումը հարկադրված կատարած լինելու հիմքով:

«Վարչարարության հիմունքների և վարչական վարույթի մասին»>> օրենքի 43-րդ հոդվածի 3-րդ մասի համաձայն՝ եթե սույն հոդվածի 1-ին մասի «բ» կետով նախատեսված դեպքում վարչական մարմնի կողմից քննարկվող փաստական հանգամանքների վերաբերյալ տվյալներին (տեղեկություններին) վարչական մարմինը կարող է իրազեկ դառնալ **բացառապես տվյալ անձի միջոցով**, ապա ապացուցման պարտականությունը դրվում է այդ անձի վրա:

Վերը նշված նորմի պահանջին համապատասխան, դիմումատուի կողմից չի ներկայացվել որևէ ապացույց իրավախախտումը հարկադրված կատարելու վերաբերյալ:

«Վ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին»>> թիվ 955-Ն որոշման 22-րդ և 23-րդ կետերի համաձայն՝ հարկադրված կանգառի դեպքում, պետք է միացվի վթարային լուսային ազդանշանը և անհապաղ տեղադրվի <<Վթարային կանգառ>> ճանաչման նշանը:

Ելնելով վերոգրյալից և ղեկավարվելով Վարչական իրավախախտումների վերաբերյալ «Վ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 05.12.2018թ. թիվ 1808864479 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Նաիրա Կարապետյանին:



Ե.Կարապետյան